



UNIVERSITÄTS-
BIBLIOTHEK
PADERBORN

**LEGVM PON||TIFICIARVM GRE-||gorij noni, seu
Decretalium pentateu-||chus**

Mesnart, Martin

Parisiis, 1555

vi. Vt lite non contestata non procedatur ad testium receptionem vel ad
senten. diffinitiuam.

[urn:nbn:de:hbz:466:1-63486](https://nbn-resolving.org/urn:nbn:de:hbz:466:1-63486)

De litis contestatione. Tit. 5.

Litis contestatio in iudicio ni facta fiet, pro-^{1. Olim.} cessus inritus esto. hanc petitio in iure proposita & respōsio sequuta faciunto. non, si quædam positiones factæ erunt, & ad illas responsum erit hinc inde, lis propterea contestata accipitor.

Ut lite non contestata non procedatur ad testium receptionem vel ad sententiam diffinitivam. Tit. 6.

Lite non contestata ad receptionem testium^{5. Quoniam in princ.} ne proceditor. Si tamen de morte vel absentia testium diuturna timebitur, & ciuilitè agendum erit: senes & valetudinarii, & alii testes, de quibus ex aliqua rationabili causa timebitur, etiam lite non contestata, siue reus contumax erit, siue absens absq; malicia conueniri nequibit, admittuntor. hunc tamen intra annum, ex quo poterit conueniri, actor vel conuenito, vel testium receptionem denunciato. alioquin nec sic receptæ attestations valento.

Si verò super cuius electione, copulave maritali quæstio mouebitur, & contumax adparebit^{θεμα. porro.} is in quæ erit actio dirigunda, siue quia peremptoria citatione recepta venire contemnet, maliciosève seipsum occultabit, vel, ne citetur, impedit: testes lite non contestata admittuntor. si de causa liquebit: nihilominus ad sententiã diffinitiuam proceditor. sin aliter aberit, & de spiri-

Vt lite non contest. &c.

tuali coniugio inter electum & ecclesiam iam contracto, electione maxumè confirmata, quærendum erit: quod de personis talibus expectandis canones definiunt, seruator. de contrahendo si agetur: per spatium sex mensium, nisi pro negotii circumstantia superior maius minúsve statuet, expectator. De carnali autem coniugio eú agendú erit, & alter sine colpa, et si propria non tamen maliciosa voluntate aberit, ei ne præiudicator. tandiu alter coniugum, donec de ipsius obitu verisimiliter præsumatur, expectator.

1. *Ad
hæc.*

Ordo iudiciarius in aliis causis, in matrimonialibus non vsquequaque seruator. hoc in quibus de fœdere matrimonii ad coniunctionem, non de crimine adulterii ad separationem thori agetur, verum esto. In his enim si, cum ex parte rei libello actoris responsum non erit, testes recepti & attestations etiam publicatæ erunt: ad sententiã diffinitiuam ne proceditor.

4. *Accedens ij.*

Alioquin si vel ante litem legitimè contestatam, vel post adpellationem ex iustis causis à recusato iudice interpositam testes erunt etiam si per consanguinitate, pro qua matrimonium dissolui petetur, absque colpa contumaciæ recepti: attestations inritæ & inaneis sunt. Si quis iudicum actorem proxima linea consanguinitatis adtinget, si principalem rei aduersarium commensalem habebit, si de terra actoris oriundus erit & sub eius districtu, si reus ad locum & terminum sibi adsignatum sine mortis periculo accedere non audebit, si vt capitalibus inimicis se crederet necessitas fuit: adpellationis ius

stæ causæ sunt. hæc contumaciæ culpam amovendo. Matrimonialis verò causæ iudices mulierem ad virum eam petentem redire cogunt. sic postquam vir & vxoris & dotis plenissimam restitutionem habebit, causam super matrimonio audiunt.

Quamquam autem lite non contestata neque testes recipi, neque ad diffinitivam sententiam procedi poterit: reum tamen propter suam vel sui procuratoris in respondendo contumaciam, nisi sciens purgasset eandem, excommunicari licet.

Id iudex, et si reus, minus tamen legitime, adpellabit, ut adpellatio non teneat, cum amplius respondere nolet, rectè facit. Non tamen, etiã si restitutio petetur, restitutionem rei petiti ad iudicatum. Nisi lis contestata erit, ne restituat. Alioquin quæ sic habita, & sententiæ huiusmodi occasione occupata erunt, restituuntur.

Custodiæ tamen causa, si talis causa erit, ut possit, reo ante litem contestatam contumaciter absente, in petitarum rerum possessionem mittere licet. Alioquin si nequibit intromitti: reus iuri parere per censuram eccle. compellitur.

Hic verò si intra annum venerit: iudicio sisti præstita cautione, ac expensarum congrua satisfactione exhibita possessionem recuperato. Alioquin eo negligente actor post annum verus possessor efficitur, constituitur. Reo super proprietate tantum defensio legitima reservatur. Sin verò res erunt immobiles, & alieno nomine possidentur: qui possidet dominum, ut vel ipse veniens, vel per responsalem idoneum actoris actionem excipiat,

1. Ad
hæc. in fi.

2. Accedens. i.

3. Tut.

5. Quoniam

θεμα.

In aliis. vj
que ad fi.

De iuramento calumniæ

in iudicio nominato. certum dierum spatium iudex definito. Id ad eius noticiam perducitor. si post indultum tempus hoc non adimplebitur. lis ex eo die, quo possessor ad iudicium vocatus erit, ad longi temporis præscriptionem interrumpendam tanquam contestata habetor. Iudex tribus legitimis edictis dominum possessionis euocato. si tunc in eadem voluntate manebit: negotio summam examinato actorem in ipsarum rerum possessionem mittito. omnis tamen allegatio absenti super principali quæstione referuatur. hæc, si realis causa erit, seruantor. Siverò super personali quis actione cõuenietur: actor vel in ei⁹ mobilium, si habebit, possessionem, alioquin immobilium pro modo debiti declarati mittitor, vel in contumacem ecclesiastica sententia profertor. Iudex alterutra pœna, quæ magis timeri debet, à principio contentus esto. Ad alteram nihilominus, si proteruitas contumaciæ exiget, procedito. Intra annum tamen, vel post si reus veniet: iuxta prænotatam distinctionem auditor.

*De iur.
sunt &
alij.*

Excessuum anquisitio vel testium publicatio faciunda si imminebit: absque litis contestatione testes producere liceto.

De iuramento calumniæ. Tit. 7.

*6. Cum
causam.*

Post petitionem exhibitam in iudicio, cum ad eam pars altera responderit, ac interrogationes & responsiones in scribtis redactæ erunt, lite contestata iuramentum calumniæ vel ab ip-